

ZAZPIGARREN ORDENANTZA FISKALA

HIRIGINTZAKO DOKUMENTAZIO ZERBITZUA ESKAINTZEAGATIKO ZERGA

I. ARRAZOIA ETA IZAERA

1. Artikulua.- Ekainaren 30eko 5/89 Foru Arauak, horrek arautzen ditu Toki Ogasunak, emandako ahalmenak erabiliz, Udal honek Hirigintzako Zerbitzuen tasa ezartzen du, tasa hori Ordenantza Fiskal honek arautuko du, eta horko arauak lehen aipatutako Foru Arauaren 20. artikuluan aurrikusitakoa jasotzen dute.

II. ZERGAPEKO EGITATEA

2. Artikulua.- Tasaren egitate zergagarria honako hau izango da, hirigintzako zerbitzuak ematera zuzendutako udal iharduera, bai teknikoa bai administratiboa.

III. SUBJEKTU PASIBOA

3. Artikulua.- Zergadunak izango diren subjektu pasiboak izango dira, bai pertsona fisikoak edo juridikoak bai Bizkaiko Lurralde Historikoko Zergaren gaineko Foru Arau Orokorreko 34. artikulua aipatzen dituen entitateak.

4. Artikulua.-

1.- Bizkaiko Lurralde Historikoko Zergaren gaineko Foru Arau Orokorreko 40 eta 41 artikuluetan aipatutako pertsona fisiko eta juridikoek, subjektu pasiboek dituzten zerga-obligazioen gainean, solidarioki erantzungo dute.

2.- Ordezko erantzunkizuna izango dute, bai sozietateetako administratzaileek, bai sindikoek, bai porrotetako, lehiaketetako, sozietateetako eta orokorrean edozein entitateetako kontuhartzaile edo kitatzaileek, Bizkaia Lurralde Historikoko Zergaren gaineko Foru Arau Orokorreko 42. artikuluan adierazitako kasuetan eta eskumenetan.

IV. ZERGAREN KUOTA

5. Artikulua.- Zergaren tasa, hurrengo Tarifaren aplikaziotik ondorioztatzen dena izango da:

KONTZEPTUA	TARIFA
1.- Hirigintza-partzelazioaren lizentzia tramitatzea.	128,95 €
2.- Obra-lizentzia izapidetzea	
2.1.- EMA < 6.010,12 duten obrak	SALBUETSIAK
2.2.- EMA >6.010,12 eta < 30.050,61 duten obrak	1,0%
2.3.- EMA > 30.050,61 eta < 60.101,21 duten obrak	1,1%
2.4.- EMA >60.101,21 eta < 90.151,82 duten obrak	1,2%
2.5.- EMA > 90.151,82 eta < 120.202,42 duten obrak	1,4%

2,6.- EMA > 120.202,42 duten obrak	1,6%
Obrak amaitutakoan, Udal Administrazioak egokia den behin betiko likidazioa egingo du, eta horretarako likidazio osagarria igorriko dio, edo bere kasuan, legozkion tasak itzuliko lizkioke.	
2.7.- Emandako baimenaren luzamendua eskatzea, horko beste baldintzarik aldatu gabe	38,97€
3.- Lehen Erabilerako lizentzia izapidetzea	170,44€
4.- Publizitate kartelak instalatzeko Baimenak tramitatzea:	
a).- 12 m2 arte.	292,69€
4.2.- 12 m2 baino gehiago, 24 m2 arte.	585,27€
4.3.- 24 m2 baino gehiago, aurreko kopuruaz gain (4.2) m2 edo zatiki bakoitzeko	13,83€
Tasa horiek zergapetuko dute Baimena ematea, eta behin bakarrik ordainduko dira, baimen hori ematen den unean hain zuzen ere, eta hori indarrean egongo den epealdi osorako balio du. Bainan Baimena luzatu egingo balitz , berriro sortuko da tasa, bainan oraingoan zergak, baimena emateko unean zuen kuotaren %50a, izango du.	
5.- Eraikuntzako Elementuaren erabilera aldatzeko baimena	28,09€

V. SALBUESPENAK ETA HOBARIAK

6. Artikulua.- Tasaren ordainarazpenean ez da inolako salbuespenik ez hobaririk onartuko.

VI. SORTZAPENA

7. Artikulua.- Egitate zergagarria osatzen duen udal iharduerari hasiera ematen zaionean sortzen da tasa hau eta orduan jaiotzen da ordaintzeko obligazioa. Ondorio horietarako, jarduera horri hasiera eman zaiola joko da hirigintzako zerbitzuen eskaria aurkezten den datan, baldin eta subjektu pasiboak esanbidez eskatuko balu hori.

2.- Zergak ordaintzeko betebeharra sortu ostean, ez du harengan eraginik izango eskatzaileak uko egiten badio edo onartzen ez badu behin lizentzia eman ostean.

VII. AITORPENA

8. Artikulua.- Hirigintzako zerbitzuren bat nahi luketen pertsona interesatuek, aurretiaz, dagokion eskaria aurkeztuko dute hirigintzako zerbitzuaren izaera zehazki adieraziz.

VIII. LIKIDAZIOA ETA ORDAINKETA

9. Artikulua.- Tasa auto-kitapen erregimenean galdatuko da. Edozein kasutan, Administrazioaren eskubideak bermatzeko helburuz, eta Toki Ogasunetako Foru Arauaren 26. artikuluan xedatutakoari jarraiki, edozein eskari izapidetua izan dadin, aurretik tasa ordaindu dela egiaztatu beharko da.

IX. HAUSTEAK ETA ZEHAPENAK

10. Artikulua.- Zergari buruzko arauhauste eta horien gaineko kalifikazioari dagokionez, hala nola horien gainean kasu bakoitzean jarri beharreko zehapenei buruz, Bizkaia Lurralde Historikoko Zergari buruzko Foru Arau Orokorreko 186. artikuluan eta ondorengoetan xedatua dagoena hartuko da kontutan.

AZKEN XEDAPENA.

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.